

الرشاد

سری ۱۳۳۰

والله يهدي من يشاء الى صراط مستقيم دینی ، علمی ، ادبی ، سیاسی هفته لقی مجموعه اسلامیہ در اتبعون اهدکم سبیل الرشاد

صاحب و مدیر مسئول : ع . اشرف ادیب

عدد ۴۳ — ۲۲۵ ۲۳ محرم ۱۳۳۱ پنجشنبه ۲۰ کانون اول ۱۳۲۸ جلد ۲ — ۹

قارشی ، تان غزته سی دیورکه :

بونلر واهی منطقلر ! آوروپاچه اتخاذا و اعلان اولونان اوقرار البته دولت عثمانیه علیه و بالقان اقوام خرسیتانیه سی لهنه ایدی . البته عثمانیلر ، حکومت متفقہ اراضیسی استیلا ایتسه لر دی ، اورالینی اشغال ایدوب قالمه لرینه مساعده اولونماز ایدی . فقط قغیه برعکس اولونجه ، بالقانلیرک اشغال ایتدکاری اراضیلره صاحب اولملری ده یه آوروپانک اولجه اتخاذا ایتدیکی قرارده ضماً مندیج و صوک یوزسنه لک آوروپا سیاستی اقتضاسندن ایدی . بونی عثمانیلر اولجه بیلمه لی لر ، بناءً علیه بالقانلیر نه ایسته یورلر سه ویرمه لی ایدیلر . شیمدی ایسه پک طبیعی اوله رق : ویل مغلوبلره !.....

عالم اسلام مزار باشنه کتیر یلدی

بوسنه - هر سک جمعیت علمیه سنک ناشر افکاری اولان بوسنه ده منتشر مصباح غزته سندن :

عالم اسلام ، بیک سنه یه یقین برمدت طرفنده مهم ، پک مهم بر اثر حیات کوسترد کدنصره عطالته دوشدی . اولکی نشاط ، فعالیت ، عزم وجهد واجتهاد یرینه اویوشوقلق ، مسکنت ، توکل مذموم قائم اولدی . فابریقه لر ، معملر ، تجارت ، صناعت لفظلری اونودولدی . تنبلخانه ، سفاهتخانه آچق مودا حکمنه کیدی . حکایات واهی ، اختراعات مهمه یرینه کیدی . عالم نصرانیت ایسه کندی طوبلادی . سعی و غیرت سایه سنده پک مهم اختراعاتده بولندی . وسائط ماده ده عالم اسلامه فائق اولدیغنی آکلادی و بناءً علیه آکلامغه قالدیشدی . بو ایکی عالم آره سنده یکیدن مصادمات باشلادی و اوچوز سنه یی متجاوز و قوعبولان هر مصادمه ده عالم اسلام ضرر ایتکه ، دوچار زیان اولغه مجبور اولدی . بونی حس ایدن عالم نصرانیت ، دول نصرانیه مادی ، معنوی وسائطله اهل اسلام اوزرینه یوکلندی . آزار آزار آتی محو ایلک ایچون لازمکن وسائطی استحضار ایلدی . وعصرلر کچدکه ، آوروپالیرک تعبیری وجهله « مدنیت ایلر یله دکه » اهل اسلام علیه هجوملرده تکرر ، تشدد ایدیلدی .

ایشته دولت علیه عثمانیه نک ، تورکیا حکومتک دوچار اولدیغنی و معروض اولقده بولندیغنی هجوملر اهل اسلامک محوی مقصدندن ایلری کلدیکی پک آچیقدر . چونکه بتون اهل اسلامک امیدنجاتی دولت علیه در . بتون عالم اسلامک قلبی دولت علیه در . مسلمانلرک مسلمان اوله رق بقاسی ، عثمانلی حکومتک بقاسیله باغلیدر . بناءً علیه عالم اسلام ، عثمانلی حکومتک ، خلافت معظمه نک ترقی ایتسنی ، قوتلی اولسنی عن صمیم القلب ایستر ؛ دولت عثمانیه نک معنی ، ماده تمالی ایلسنی آرزو ایلر . بونی بیلن ، بونک اهمیتنی تقدیر ایدن اعدای دین اسلام ، هر طرفدن ، هر جهتدن تورکیا علیه یوریدی ؛ آتی وسائل ترقیدن ، اسباب قوتدن محروم براقق ایچون هر کونا حیلله و دسیسه لره صارلدی ؛ قوتسز ، ضعیف قالسی ایچون داخلاً ، خارجاً غوائل احداثه چالیشدی . وایشته کوردیکمز وجهله موفق ده اولدی .

عثمانلی حکومتی بر طاقم امتیازلرله صارمق - قاپیتولاسیون زنجیرلرله باغلامق بعده تورکیا امور داخلیه سنه قاریشه رق اغوا آت ، افسادات ایله بعض اقوامی ، آنک اداره سندن فک ایتدیروب بو کبی موانع ترقیدن آزاده و سربست براقق ، وهر کونا ترقیلرینه سعی و غیرت ایلک و نهایت بونلری تورکیا علیه مسلط ایتک ، دول نصارانک جله مساعیسنندر . بو وحشی جانوارلر ، بو مدنی وحشیلر طرفندن بیکلرجه بیکناه اهل اسلامک قتلی ، یوز بیکلرجه مسلمانک پامال ایدلیدیکی ایشیدن و حتی کورن مدنی آوروپا دول نصاراسی ، اهمیت ویرمیور . حالوکه دولت عثمانیه آسایش داخلینی آچیقندن آچیفه ایلاله چالیشوب طوتولان و تحت توقیفه قونیلان بر خرسیتیان ایچون قیامتلر قوبارییور . بیکلرجه صبیان اسلامیه نک ازلدیکی لیانلره بر قایق بیله کوندرمکه نزل ایتن آوروپا دولتلری ، استانبوله قوجه قوجه زرهیلیر کوندیریور . و بو تناقضلرینی طوغری کوسترمک ایچون عالمه قارشو « تورکار

بارباردر ، خرسیتیانلری کسه جکر ، شویله یاپه جملر...» دیه یایغره ایدیورلر . حالوکه مسلمانلر خرسیتیانلری کسه ییلر اندلسده ، مجارستان و صربستان ده اهل اسلامدن اثر قالدینی کبی تورکیا ده خرسیتیاندن بر اثر قالمق ایجاب ایده جکینی بیلورلر . لکن مقصد ، اهل اسلامک استنادکاهی اولان تورکیایی محو ایلک ، ویا هیچ اولماز سه ده ا زیاده ضعه اوغرا تقی اولقله هر شیشی تجویز ایدیورلر .

« بر مصیبت بیک نصیحتندن اییدر دیرلر » باری بوندن صوکره اهل اسلام ، متیقظ ، متنبه اولسه لر ؛ نفاق ، تفرقه دن واز کچوب ال برلکیله خلافت اسلامیه نک ترقی و تعالیسی ایچون سعی و غیرت ایلسه لر ؛ صافدلانه ، ساده درونانه بولمسه لر ؛ یالیزی زهر جیلرینی یوتماغه غیرت ایتسه لر ...

تشیون

بالقان محاربانی

مذاکرات صلحیه - صلح قونفران - التنجی دفعه اوله رق جمعه ایرتسی کونی ساعت اون برده عثمانلی باش مرصی رشید پاشانک ریاستی تحتیده اجتماع ایتشلردر . عثمانلی مرخصلری بالقان حکومتلرینک مطالباتنه قارشی باب عالینک تکلیفلرینی تبلیغ ایتشلردر . ادرنه یی عثمانلی حوزه حکومتنده براقان بر خط حدود ، مرکزی سلانیک اولق اوزره ماکدونیا و جنوبی ارناوودلق مختاری ، بولغارستانه بر مخرج اقتصادی (قواله لیانی) ویریله سی ، تصحیح حدود ، کریدن ماعدا اطله لک حاکمیت عثمانیه آلتنده قالسی . بالقان مرخصلرنجه اشبو تکلیفات قابل قبول کورلمدیکندن باب عالیدن تعلیمات و مساعدات جدیده آلتق اوزره قونفرانس بازار ایرتسنه تعلیق اولمشدر . بازار ایرتسی کونی یدنجی اجتماع بلغار مرصی دانه فک تحت ریاستنده وقوع بولمشدر . عثمانلی مرخصلری حکومت متبوعه لرندن انتظار ایتکده اولدقلری تعلیماتک پک کج کلدیکنی و شیفره لک هان قسماً غیر قابل حل برحالده بولوندیغنی بیان ایدرک اجتماع چهارشنبه کوننه تأخیر اولمشدر .

اشقودرده مظفریت . - اشقودرده دن وارد اولان تلغرافنامه لره نظراً عثمانلی اردوسی بکی بر مظفریت احراز ایلمشدر . اشبو مظفریت نتیجه سنده محاصره نک رفع ایدلیدی و قره طاغیلرک قطعی برانه زامه اوغرا دیغنی ده آیرجه بیلدیریلور .

یانیه ده یونان اردوسنک عجزی . - یانیه دن وارد اولان بر تلغرافنامه ده یانیه جهتده کی یونان اردوسی یکدیگرینی متعاقب اوغرا دیغنی مغلوبیتلر نتیجه سنده پریشان بر حاله کلش ، آتنده دن تکرار قوای امدادیه طلب ایلمشدر . مذکور یونان اردوسی قوماندانی قوای امدادیه نک پک یقین بر زمانده ورود ایتدیکی تقدیرده عثمانلی اردوسنه مقاومتدن بسبتون عاجز قاله جغنی ده آتیه اشعار ایلمشدر .

یانیه محاصره سنک رفعی . - اولکی کون یانیه دن مأمورین عاذه سنه کلن بر تلغرافده یانیه ده ارزاق مبذول بولندیغنی و عسکرک قوه معنویه سی یرنده اولدیغنی کبی خط محاصره نک ده رفع ایدلیدی بیلدیرلمشدر .

مالبریه ، نفسلرله فی سبیل الله جراحه قوشانلر . - طربزون علما و اشرفنک همتا و وطن پرورانه سیله تشکیل اولنان کوکلی طابورلرینک ایکی قافله ده اوله رق سوق ایدلیدی و بو باده متشکل قومیسون رئیس مفتی ولایت فضیلتلو احمد ماهر افندینک ده برلکده عزیمت ایلدیکی طربزون ولایتنک اشعارندن اکلاشلمش و اخیراً مذکور طابورلر در سعادته واصل اوله رق موقع حربه سوق اولمشدر . بنایت حربدن بری اعانه حربیه و هدایای شتائی تدارک واعطاسنده و هلال احمر نامنه اعانه جمعنده مآثر حمیت کارانه لری مشهود

عمومی بر کجه ده قتل و افنا ایتشلردر . کویارده حاجی مانوف چته سی طرفندن
ایکیوزی متجاوز اسلام قورشونه دیزلشدر . رادویشته ده اسلامدن ارکک
اوله رق هان هیچ فرد قالمشدر . طویرانده یالکز اشراقندن ایکیوز اسلام
سونکولرله قتل ایدلش و سیروز قتل عامنده بشیوز آلتش قدر مسلمانک قانی
آقیدلشدر .

قریه لرده ، قصبه لرده صاغ قالان بر قسم مسلمانلر بتون موجودلرینی قذیه
نجات اولارق ویرمک و یا خود جبراً تنصر ایلمک صورتیه تخلص نفس ایتشلردر .
یالکز استرومجه قضا سنده تنصر ایتش درت قریه اهالیسی واردر .
بو آقاقلر یالکز قتل عام ایله ده قالمیه رق ارککسز قالان قادین و قیزلرک
ناموس و عفتلرینه تجاوز ایتش و بونلری کویدن کویه طولاشدیره رق و چار
شافلرینی بیرتیه قشیر ایتکندن ده اوتانامش ، حتی بر جوق یرلرده اون
بش ، اون سکسز یاشلرنده کی اسلام قیزلری بو خاشلره جبراً و قهرراً شراب
ساقیلکی ایتشدر .

بدایت حربدن بری سلائییک روم ایلی ایچون بردارالامان عدا اولنیور
ودول متفقہ اردولری قصبه لرمنی برر بر ضبط ایتدیکه اهالی محلیه اسلامیه
فوج فوج سلائییکه کلیوردی . شهرک دشمنه تاریخ تسلیمی اولان
۲۶ تشرین اولده سلائییکه موجود مهاجرین سکمان بیکی تجاوز ایتشدی .
بو ییچاره لر اوتوده بریده کندیلرینه انجق برر ملجاً بوله ییلمشکن حکومت
حاضره بونلرک هر برینی برر صورتله قهر ایتک ایچون وسیله لر احداثدن
چکنمندی . ابتداء مهاجرینک تأمین اعاشه لری ایچون یومی ویرلمکده اولان
اکمک یونانیلرک اشغالی متعاقب کسیدلی . سفالت و آچلق بوزوالیلره اوپله
دهشتلی بر صورتده صولت ایدیوردی که بلدیہ آچلقندن اولنلری دفن ایتکده
بیله دوچار مشکلات اولیوردی . یومی لا اقل الی التمش کشی آچلقندن
وصغوقدن اولیور و بونلره جدی بر معاونت ایدیله میوردی . بو قدر فلاکت
آزمش کی اخیراً حکومت یونانیه بونلری شهردن طرد و تبعیده و بیسوک
قره برون ولبت جوارنده رکز ایدیلن چادرلرده اقامه یه قرار ویردی . بو
قرار اجرا اولندی . بر قسم مهاجرین نقل ایدلمک باشلاندی . فقط نصل ! ..
بوزوالیلر عاداتا مزاره کوندر یلیوردی . او خراب چادرلرک آلتنده اولدیر ییچی
برر طوبیت و یاقیچی برر صغوق ، بوهرشیدن ، آلتندن و اوستندن محروم اولان
فلاکت زده لری برقاچ کون ایچنده اولدیر مکه کفایت ایدیوردی . برکت
ویرسون که بعض ارباب حیت حکومت نزدنده شدتلی تشبثانده بولنه رق
بونقلیاتک اوکنی آلدی .

فقط بونکله فلاکت بیتمش دکلدی . شمدی زوالی مهاجرین هر کجه
شهرده بلغار و یونان عسکرینک تعرضاتنه هدف اولیور . الارنده اولان بش
اون غروشی ده بو عسکر قیافتلر حیدودلر آلیور حتی بومدن شهرک کوبکنده
بتون جهانک کوزی اوکنده کیمسه سز قادیلرک اوزرلرینه ده صولت
اولنیور . آه ای مدیت ، اگر سن هنوز وارسه ک ، سن اگر طوغمش
و هنوز یشایورسه ک کل ، کور ، شرقک بواک کوزل واک معصوم خلق کیملر
اولدینگی واصل قاتل و خاشلرک و بیر ییچی جانوارلرک هانکیلری بولندینگی برآزا ..
فقط خیر سن یوقسک ، مدیت ، سن وجودی اولیان برشی ، بر سر ايسک .
§ سلائییکدن کلن یولجیلر حکایه ایتدیلر : سلائییکه قازانجیلر ایچنده
پاپوجی ابراهیم اسمنده ، ناموسلی ، کندی حالنده ، کوربوز بردلیقانیلک
برکون بر بولغار ضابطی بوزوالیلرک دکانه کلیر ، و کندیسنه غایت کوزل
بر اسلام خانمی بولوب کتیرمه سنی ، ایکی کونه قدر بواهرینی ایضا ایتدیک
تقدیرده فنا حالده پشیمان اولاجغنی سویلر و اولومله تهدید ایلر . ییچاره
ابراهیم ، نه یاباجغنی شاشیریر ، اوینه کیدر ، اوغرا دینی فلاکت قارش
آغلامقندن باشقه چاره بولاماز . بوحالدن اندیشه ناک اولان زوجه سنه ،
اقریاسنه ایشی آکلادیر . اولنرده آغلامغه باشلارلر . نهایت بولغار ضابطنک
اوتکلیف رذالت آلودینه تحمل ایدمه یین ابراهیم ایرته سی کون مطبخ ییچاغیله
بوینک شاخ دامارلرینی کسمک صورتیه اتخار ایدر . لعنت طالمه !
§ کولنیشه چایتونف غزته سنک بلغار و یونان مظالنه دائر سلائییکدن

نظر شکران اولان طربزون اهالیسنک برده بویه کوکلی طابوری جمیله
موقع حربه سوق یولنده واقع اولان همت و مساعیلری جدأ تجیله شایان
تظاهرات نجییه وطن پرورانه دن بولنش اولدینی حربیه نظارتسندن تبلیغ
اولنمدر .

صلیك رذائلی

درامده :

درامه دن « ژون ترک » غزته سنه یازیلور : بلغارلرک درامیه دخولی
اوزرینه ایلمک یاپدقلری شی ، ایکی بیوک جامی کلیسا حالته تحویل ایتکدن
عبارت اولمشدر . بلغارلر مناره لری ، منبرلری تخریب ایتشلر و دیوارلر اوزرنده
محکوک اولان آیات قرآنیه یی سیلمشدر .

بلغارلر درامه ده عثمانلی تبعه سندن اولوب و قتیله ما کدونیا ده حرکاتده
بولنان معبود قومیتیه چی چته لرینه منسوب بر طاقم ملتداشلرینی بولمشدر .
بلنار اردوسی عثمانلی اراغیسنه نفوذ ایتدیک کون بونلر اردویه ملاقی اولمشلر
واطراف و جوارک ضعیف نقاطی کوسترمک ایچون رهبرلک وظیفه سنی درعه ده
ایتشلردر . بلغار عسکرلری خانه لره جبراً کیریور ، ارکک و چوجقلری قتل
ایدیور و احتراصات حیوانیه لرینی تسکین ایچون حرمله نفوذ ایلورلردی .
قادیلر ناموسلرینی محافظه یه تشبث ایتدکلری تقدیرده درحال اک ظالمانه
اشکنجه لره معروض قالیورلردی .

مهاجریندن برینک افاده سنه نظراً کوزلری اوکنده زوجی ، قرداشی
ویدی یاشنده چوجنی قتل ایدلش اولان بر قادین بوحاله رغماً بو باغیلرک
تکلیفات وحشیه یانه سنه مقاومت ایتش و کندی مدافعه یه چالشمشدر . قادین
بر عسکر اوزرینه هجوم ایتش و فقط عسکر حدتله کندن کچرک قادیک
مه لرینی قطع ایلش و قارندن قلنجیله قتل ایتشدر . قادین حامل بولندینی ایچون
بلغار عسکرلی ایکی قاتلی برجنایت ارتکاب ایلشدر .

لینیریه :

قارش غزته لرنده او قوندیغنه کوره لینی یونان مأمورینی مذکور آطه یی
اشغال ایتدکدن صکره مسلمان اهالی حقنده شیمدی یه قدر کورولمه مش
بر طاقم مظالم اجرا ایتشلردر . اهالی اسلامیه ازمیره کوندر دکلری راپورلرده
سکسز یوزی متجاوز ییچاره اسلاملرک دوچار ایدیلر کاری وحشیانه اذاجه لری
آ کلامشدر .

سولنیک و هوایسنره :

سلائییکدن صباح غزته سنه یازیلور :
بلغار و یونان استیلا سندن صکره بالخاصه سلائییک و ملحقاتنک کسب
ایتدیک منظره فلاکت حقیقه اک قانی قلبلری آغلا ده جق ، اک قوری کوزلره
سروشک ماتم دو کدیره جک بر درجه ده در . بر طرفدن یانمش ، ییقلمش ،
خراب اولمش آشیانلر ، بر طرفدن حیانتنه ، ماله ، حتی ناموس و عصمتنه تجاوز
اولمش بر کتله اولاد وطن ... ایشه هر طرفده کوره جککسز آجی و غیج
لوحه لر .. بو مملکت مدیت و حریت نشر ایتک ادعا سنده بولنان مدیتندن
بی بهره قاتلی اردولر ، کیری آقاقلر نرویه کیرمشلرسه اسلام نامه نه وارسه
ماله ، جانه ، ناموسه ، معایده ، بتون مقدسات ، حتی مقابره قدر ال اوزا .
تمقندن ، آقاقلرله بونلری چیکنه مکدن چکینه دیلر . سوزلرم مشهوداته مستند
اولدینی ایچون ذره جه موجب شبهه و تردد اولمالیدر .

§ بلغارلر نرویه کیرمشلرسه قتل عامی اساس مسلک اتخا ایتشلردر .
بونلرک بالخاصه سیروزده ، استرومجه ده ، قیلقدشه و سلائییک کویلرنده ایقاع
ایتدکلری ظلم و وحشت جدأ عقللره حیرت ویره جک درجه ده بیوک و دهشتناک
کدر . ۱۱ تشرین اول ۳۲۸ تاریخنده اشغال ایتدکلری استرومجه قصبه سنده
اسلام اوله رق آنجق پک جزئی کیمسه یی صاغ براقشدر . بو جنوارلر
استرومجه یه قوماندان تعیین ایتدکلری (ژیوان) ک اصریله بر کونده بش یوز
طقسان بر اسلام و ایکی موسوی یی لرینی باغلامق و چیر چیلایق تشبیر ایدرک